

影刊宋金元明本詞

第三冊

蘇子卿學

PDG

景汲古閣

鈔宋金詞

七種

和石湖詞目錄

滿江紅 四首

千秋歲

浣溪沙 七首

朝中措 五首

蝶戀花

南柯子 三首

水調歌頭 二首

西江月 二首

鵲橋仙

宜男草 二首

秦樓月 五首

念奴嬌 五首

惜分飛

夢玉人引 二首

如夢令 二首

菩薩蠻 三首

臨江仙 二首

減字木蘭花 五首

鷓鴣天 四首

好事近 二首

卜算子 二首

三登樂 四首

浪淘沙

虞美人 四首

醉落魄 二首

眼兒媚

和石湖詞

吳郡 范成大 至能

東吳 陳三聘 夢弼

滿江紅 冬至

寒谷春生薰叶氣玉簫吹穀新陽後便占新歲
吉雲清穆休把心情關藥裹但逢節序添詩軸
笑強顏風物豈非癡終非俗 清晝永佳眠熟
門外事何時足且團圞同社笑歌相屬著意調
停雲露釀從頭檢舉梅花曲縱不能將醉作生
涯休拘束

和

薄日輕雲天氣好相將祈穀民情喜頌聲洋溢
清風斯穆飲酒不多元有量吟詩無數添新軸
對故人一笑我真愚君無俗斜川路經行熟
黃花在歸心足問淵明去後有誰能屬神武衣
冠驚夢裏江湖漁釣論心曲但從今散髮更披
襟誰能束

又

始生之日丘宗卿使君携具來爲壽
坐中賦詞次韻謝之

竹裏行廚來問訊諸侯賓老春滿座彈絲未遍
揮毫先了雲避仁風收雨脚日隨和氣薰林表

向樽前來訪白髯翁衰何早 志千里功名兆
光萬丈文章耀洗冰壺曾次月秋霜曉應念一
堂塵網暗故將百和香雲繞算賞心清話古來
多如今少

和

天豈無情天若道有情亦老功名事問天因甚
蒙人不了好伴雲煙耕谷口休將翰墨傳江表
算鬢邊能得幾春風驚秋早 陶令尹張京兆
懷舒嘯貪榮耀盡南柯一夢漏殘鐘曉滕閣暮
霞孤鶩舉庾樓明月烏飛繞念老來於此興無

窮知音少

又 雨後携家遊西湖荷花盛開

柳外輕雷催幾陣雨絲飛急雷雨過半川荷氣
粉融香浥弄蘂攀條春一笑從教水濺羅衣濕
打梁州簫鼓浪花中跳魚立 山倒影雲千疊
橫浩蕩舟如葉有采菱清些桃根雙檝忘却天
涯飄泊地樽前不放閑愁入任碧簫十丈卷金
波長鯨吸

和

紺縠浮空山擁髻晚來風急吹驟雨藕花千柄

艷粧新浥窺鑑粉光猶有淚凌波羅襪何曾濕
訝漢宮朝罷玉皇歸凝情立樽前恨歌三疊
身外事輕飛葉恨當年空擊誓江孤楫雲色遠
連平野盡夕陽偏傍疎林入看月明冷浸碧琉
璃君須吸

又

晝畫溪山行欲遍風蒲還舉天漸遠水雲初靜
施樓人語月色波光看不定玉虹橫卧金鱗舞
算五湖今夜只扁舟追千古懷往事漁樵侶
曾共醉松江渚算今年依舊一杯滄浦宇宙此

身元是客不須悵望家何許但中秋時節好溪
山皆吾土

和

斜日鎔金三萬頃棹歌齊舉風不動采蘋雙槳
翠鬟相語月殿欲浮蟾兔魄海神不放魚龍舞
到今宵秋氣十分清無今古君試喚扁舟侶
來伴我瀟湘渚共夷猶春浪笑歌秋浦霸越獨
高身退後塵纓未濯人誰許歎酒盃不到子陵
臺劉伶土

千秋歲

重到桃花塢

北城南埭玉水方流匯青櫺裏紅塵外萬桃春
不老雙竹寒相對回首處滿城明月曾同載
分散西園蓋消滅東陽帶人事改花源在神仙
雖可學功行無過醉新酒好就船況有魚堪買

和

當年漁隱路轉桃溪匯流水下青山外客行花
徑曲月上松門對撐艇子雪中蓑笠親曾載
老去誰傾蓋腰瘦頻移帶人健否花仍在明年
春更好來向花前醉青鬢改恁時難拚千金買

浣溪沙

燭下海棠

傾坐東風百媚生萬紅無語笑逢迎
照粧醒睡蠟煙輕采蠅橫斜春不夜
絳霞濃淡月微明
夢中重到錦宮城

和

酒力先從臉暈生粉粧新麗笑相迎
曉寒高護彩雲輕不語似愁春力淺
有情應恨燭花明
更於何處覓傾城

又

催下珠簾護綺叢花枝紅裏燭枝紅
燭光花影夜葱籠
錦地繡天香霧裏珠星壁月綵雲中

人間別有幾春風

和

翠幕遮籠錦一叢樽前初見淺深紅
淡雲和月影葱籠
醉態只疑春睡裏
啼粧愁聽雨聲中
更燒銀燭醉東風

又

新安驛席上留別

送盡殘春更出遊
風前蹤跡似沙鷗
淺斟低唱小淹留
月見西樓清夜醉
雨添南浦綠波愁
有人無計戀行舟

和

不怕春寒更出遊
蘭橈飛動却驚鷗
煙光佳處輒遲留
屏曲未曾歌
醉夢眉尖空尺鎖
閑愁從教絲柳絆行舟

又

歛浦錢塘一水通
閑雲如幕碧重重
吳山應在碧雲東
無力海棠風
淡蕩半眠官柳日
葱籠眼前春色爲誰濃

和

越浦潮來信息通
吳山不見暮雲重
人生何事各西東
煙外好花紅
淺淡雨餘芳草綠
蔥籠

苦無歡意敵春濃

又 元夕後三日王文明席上

寶髻雙雙出綺叢
粧光梅影各春風
收燈時候却相逢
漁子牋中詞婉轉
龍香撥上語玲瓏
明朝車馬莫西東

和

點檢尊前花柳叢
於中偏占牡丹風
等閑言語慣迎逢
扇影不搖珠的皪
釵梁斜亸玉玲瓏
夢魂長向楚江東

又

手不泥言
紅錦障泥杏葉韉解鞍呼渡憶當年馬驕不肯
上航船茅店竹籬開蓆市絳裙青袂斲薑田
臨平風物故依然

和

不躍銀鞍與繡韉曲筇芒屨見衰年尋幽來立
渡頭船碧澗芹羹珍下筯紅蓮香飯樂歸田
不妨樽酒興悠然

又

白玉堂前綠綺踈燭殘歌罷困相扶問人春思
肯濃無夢裏粉香浮枕簟覺來煙月滿琴書

箇儂情分更何如

和

簾壓低垂月影疎梅枝和雪玉相扶兒家春信
入來無半墜寶釵慵覽鏡任偏羅髻却拈書
琴心誰與問相如

朝中措

丙午立春大雪是歲十二月九日丑時立春

東風半夜度關山和雪到闌干怪見梅梢未暖
情知柳眼猶寒青絲菜甲銀泥餅餌隨分杯
盤已把宜春縷勝更將長命題幡

和